


KAMUPANI O PULEGA O FAAPUTUGATUPE TEUFAAFAIGALUEGA O MAVAEGA TAUSI A SAMOA

LIPOTI FAALE-TAUSAGA

Mo le Tausaga Fa'ai'uina ia 30 Iuni 2015



FAAMATALAGA I LE PALEMENE

30 Novema 2015

Afioga i le Fofoga Fetalai
Fono Aoao Faitulafono a Samoa
MULINUU

Afioga e,

E tusa ai ma le Vaega VI Fuaiupu 23 o le Tulafono mo Faalapotopotoga a le Malo (Faatinoga o Galuega ma le Mafai ona Tali Atu) 2001, e tu'uina atu mo le talanoaina e le Fono Aoao Faitulafono, le Lipoti Faale-Tausaga a le Kamupani o Pulega a le Faaputugatupe Teufaafaigaluega o Mavaega Tausi a Samoa mo le tausaga faale-tupe ua faai'uina ia 30 Iuni 2015.

O le Lipoti Iona Iima Ienei o le Kamupani o Pulega a le Faaputugatupe Teufaafaigaluega o Mavaega Tausi a Samoa (le "**Kamupani o Pulega**") talu ona faatuina faale-tulafono i lalo o le Tulafono mo Kamupani 2001, i le aso 15 o Fepuari 2010. Na faatūina le Kamupani o Pulega na te pulea le Faaputugatupe Teufaafaigaluega o Mavaega Tausi (le '**Mavaega Tausi**').

O totonu o Ienei vaitaimi a o tau faufau le Mavaega Tausi, ua tauave e le Kamupani o Pulega le Va'aiga Taula'i a le Mavaega Tausi o le "**avea o se faaputugatupe o tupe teufaafaigaluega e ta'imua i totonu o Samoa auā se lumana'i manuia**" mo le aufai'iunite.

Ina ia ausia le Va'aiga Taula'i, ua mulimuli le Kamupani o Pulega i le Manulauti a le Mavaega Tausi o le "**faatupula'ia pea lea aofaiga o le aufai'iunite e faafaigaluega a latou tupe ma umia se teugatupe faafaigaluega ua mao'ae le maualuga o tupe faapoopo**".

Ou te fiafia e faailoa atu o le Kamupani o Pulega, mo le lua tausaga soso'o, ua mafai lava ona faatino ma faatupe e ia lava ana galuega faatino e 'aunoa ma ni fesoasoani tau tupe mai le Malo. Faaopoopo iai, mo le lua tausaga soso'o, ua mafai ona fisaofaga atu le Kamupani o Pulega i le tala o tupe a le Malo e ala i tufatufaga mai tupe mamā.

Ma le fa'aaloalo tele,



Tuilaepa Faatialofa Lupesoliai Sailele Malielegaoi
PALEMIA MA LE MINISITA O TUPE

Faasino Autu

Lipoti a le Komiti o Faatonu..... 3

Lipoti a le Ofisa Sili o Pulega 5

Tala o Tupe7- 19

 Lipoti a le Suetusi7

 Lipoti Faamaonia a le Komiti o Faatonu8

 Faamatalaga o Tupe Faavae, Aseta ma Aitalafu9

 Faamatalaga o Tupe Maua ma Tupe fa'aalu10

 Faamatalaga i suiga i Tupe faavae11

 Faamatalaga o Auala sa maua mai ai Tupe ma lo latou Fa'aaogaina12

 Faamatalaga Faaopopo13 - 18

Lipoti a le Komiti o Faatonu

I le ava ma le fa'aaloalo lava e tu'uina atu ai lenei lipoti e fai ma Sui o le Komiti o Faatonu a le Kamupani o Pulega a le Faaputugatupe Teufa'afaigaluega o Mavaega Tausi a Samoa, e tusa ai o le aotelega o galuega sa faatinoina aemaise foi galuega sa mafai ona ausia e le Kamupani o Pulega a le Faaputugatupe i le tausaga faale-tupe fa'ai'uina i le aso 30 Iuni 2015. I le avea ai ma Pule a le Fa'aputugatupe, o le Kamupani o Pulega a le Faaputugatupe ua tu'uina iai tiute ma galuega faatino mo le puleaina o le Faaputugatupe e pei ona aiaia i totonu o le Pepa Faamaonia o Feagaiga na sainia e le Komiti o Faatonu ma le Tausi Mavaega i le aso 9 Iulai 2010, faatasi ai ma faiga faavae mo le fa'afaigaluegaina o tupe teu e pei ona faamaonia e le Tausi Mavaega mai i lea taimi i lea taimi. O le Kamupani o Pulega a le Faaputugatupe o se faalapotopotoga a le Malo sa faavae ma faatupe e le Malo mai i lona amataga, na te puleaina le Faaputugatupe Teufa'afaigaluega o Mavaega Tausi a Samoa po'o le 'UTOS'.

O le tausaga lona lima lenei talu ona faavaeina le Kamupani o Pulega ia 15 Fepuari 2010. Ua fiafia le Komiti o Faatonu i le tulaga ua o'o iai galuega faatino talu ona faatūina o se pule mo le teuina faafaigaluega o tupe, e le gata i le faatuputupula'ia o teugatupe faafaigaluega aga'i i le \$98.6 miliona ma le aofaiga o le aufaiiunite ua o'o i le 1,540, ae o lo'o mafai fo'i ona ausia se fa'aopopoga e 75.3% i luga o teugatupe a le aufaiiunite i totonu o le 60 masina mai ia 9 Iulai 2010 - 30 Iuni 2015.

I totonu o le tausaga faale-tupe 2014/2015, ua mafai ona mauaina e le Kamupani o Pulega a le UTOS se tupe mamā e \$1,003,726 mai tupe maua e \$1,683,012, e tusa ma le 59% o tupe maua mai tupe faavae i le tausaga, o se faaopoopoga ua silia mai ile 56% sa iai i le 2013/2014. O nei faamaumauga ua maoa'e le maualuluga faatusatusa i le fuafa'atatau e 7% o lo'o tulimata'i mo Faalapotopotoga a le Malo. O le faaopoopoga i luga o aseta ma meatotino ua maualuga foi i le 41% mo lenei tausaga faaletupe; peitai, ua maualalo pe a faatusatusa i le 53% sa iai i le tausaga faale-tupe ua mavae atu. O nei faamaumauga ua mafai ai e le Kamupani o Pulega a le UTOS ona totogi atu i le Malo se aofaiga e \$970,514 mo tufatufaga mai tupe mamā, o le \$468,651 o lona tufatufaga mo le tausaga faale-tupe 2013/2014 ma e \$501,863 mo le tausaga faale-tupe 2014/2015. I le fa'aiuga o Iuni 2015, ua fiafia le Kamupani o Pulega a le UTOS e maitauina le fa'aauau ai pea ona mafai e le kamupani ona faatupe e ia lava ana galuega faatino ma o lo'o iai se fuafuaga o le a fa'amama uma tupe paū na faaputupu talu mai tausaga ua mavae i le kuata muamua o le tausaga faale-tupe 2015/2016. O le tausaga lona lua lenei ua mafai e le Kamupani o Pulega ona faatupe ana galuega e aunoa ma le fesoasoani a le Malo e pei ona iai i mua'i tausaga e tolu. Ua fuafuaina le toe fetu'unai o totogifuapau mo galuega ma isi tupe faaalu e ala i le toe faaopopo mai o isi tomai fou, faaleleia o systems faapea ma le si'i atu o le ofisa i se isi nofoaga fou o le a ono fa'aititia ai tupe faaopopo mo le Kamupani o Pulega i le lumana'i. Peita'i, ua naunau lava le Komiti o Faatonu ina ia faamautū pea lana sini autū ina ia aua nei toe faalagolago le Kamupani o Pulega i ni fesoasoani tau tupe ma ia avea ma se tasi o faalapotopotoga o le a faisaofaga atu i le tala faatatau o tupe a le Malo i tausaga ta'itasi.

O le Komiti o Faatonu sa tautua i totonu o lenei tausaga faaletupe o le Afioga ia Afoa Asiata Kolone Vaai (Taitaifono), Lavea Tupaimatuna Iulai Lavea ma Tuliaupupu Pala Lima. O lo o i ai le fa'amoemoe maualuga a le Komiti Faatonu ina ia aveavea'i pea le fa'atautaia ma le pulea lelei o galuega a le Fa'aputugatupe i se tulaga maualuga ina ia mautinoa lelei o lo o puipuia le aia tatau a le aufai-iunite. O le komiti mo le iloilo ina o vaega tau tupe teufa'afaigaluega o lo'o latou taasisia pea faiga faavae ma ta'iala mo le fa'afaigaluegaina o tupe a le Faaputugatupe. O lenei komiti o lo o aofia ai le Taitaifono o le Komiti o Faatonu, sui Faatonu, sui tuto'atasi o se faaiunite lapoá ma le Ofisa Sili o Pulega.

I le avea ai o se Faalapotopotoga a le Malo, o lo'o naunau pea le Kamupani o Pulega ina ia taasisia lipoti uma e tatau ona fa'ao'o atu i le vaega o lo'o mataituina faalapotopotoga ale Malo i le Matagaluega o Tupe. Ua mae'a foi ona faamautinoa o lo'o taasisia pea e le UTOS tulafono tau lipoti i le Resitala.

I totonu o lenei tausaga faale-tupe, ua matou fa'atūina ai se tulaga faigaluega fou o le Teutusi Tūmua mo le Tausi Mavaega. O le nei tulaga faigaluega e lagolago i le Ofisa Sili Tau Tupe, ma ua afua lenei tulaga ona o taumafaiga ina ia fa'aitiitia le mamafa ma le tele o galuega o lo'o i lalo o le Ofisa Sili Tau Tupe ma le Ofisa Sili Tau Tupe Teufaafaigaluega. O lea ua o'o atu ai le aofaiga o le aufaigaluega i le valu e aofia ai le Ofisa Sili o Pulega.

I le naunautaiga ina ia ola lelei ma vave ona faatupe le polokalame mo le fa'afaigaluegaina o teugatupe a le UTOS, o lea ua faamaonia ai e le Malo i le tausaga 2014 le si'itia mai le \$20 miliona i le \$50 miliona o le aofaiga e mafai ona o'o atu iai le faamalumaluga lautele a le Malo e tuuina atu i Faalapotopotoga a le Malo e fai a latou unegatupe i le UTOS mo a latou atina'e ua avea iai le faamuamua, ma e tatau lava ona savalia ta'iala mo le faia o ni atina'e e pei ona faata'atia e le Matagaluega o Tupe. O lo o fa'aaogaina lelei e le UTOS nei avanoa ina ia faamautū ai le talitonu o tagata fai saofaga i le faaputugatupe a le UTOS.

E ui i nei la'asaga, o lo'o nofo malamalama pea le UTOS i manaoga mo le fa'aauau pea ona fa'atupulaia ni auaunaga fou ma ia nofo sauniuni aua fefa'atauaiga ina ia ausia ana sini autu fa'apisinisi faapea fo'i fa'ale soifua manuia o tagata lautele. Mo le tausaga faale-tupe 2015/2016, ua talitonu le Komiti o Faatonu o le a la'a i luga tupe faafaigaluega e ala i le silasila i nisi vaega fou e fa'afaigaluega ai tupe. O le sini tumua a le Kamupani o Puleaga ua iai nei o le fausia o le UTOS ina ia avea ma se tasi o sã taua i totonu o Samoa mo le teuina faafaigaluega o tupe e fa'aaoga iai tomai ma le poto masani ina ia fa'alautele atu ana auaunaga i nisi faaputugatupe faapitoa e faamaonia e le Malo, i le naunauga e faatupula'ia le maketi o le fefa'atauaiga o sea ma faaunegatupe ua faamauina i ni feagaiga.

Ma le fa'aaloalo tele,



Afoa Asiata Kolone Vaai
TA'ITA'IFONO



Tuliaupupu Pala Lima
SUI FAATONU

Lipoti a le Ofisa Sili o Pulega

E tuuina atu ma le agaga fiafia tele lenei lipoti ua faamauina ai taunuuga o galuega a le Kamupani o Pulega a le Faaputugatupe Teufaafaigaluega o Mavaega Tausi a Samoa mo le tausaga lona lima talu ona fa'avaeina. Ua mao'e le si'isi'i pea i luga o le tala tau tupe a le Kamupani i totonu o lenei tausaga fa'ale-tupe ua fa'ai'u ina ia 30 Iuni 2015 pe a fa'atusatusa atu i le tausaga talu ai. O le tausaga lona lua lenei ua mafai ona faatino galuega a le Kamupani e aunoa ma le fesoasoani tau tupe a le Malo. O le tausaga lona lua foi lenei ua ausia ai e le Kamupani se tupe faasili talu ona faavae mai ia Fepuari 2010.

Sa galulue ma faatino galuega a le pulega mo le fa'afaigaluegaina o teugatupe a le UTOS e tusa ai ma le Pepa o Feagaiga, faiga fa'avae ma ta'iala a le Kamupani e pei ona fa'amaonia e le Komiti Faatonu ma Tausi Mavaega.

Ata faa'emo o galuega faatino mo le tausaga faale-tupe:

O ata faa'emo mo le tausaga o:

- Ua mafai e le Kamupani ona maua se tupe mamā mo le taimi lona lua.
- Ua totogi atu e le Kamupani i le Malo se aofaiga e \$970,514 mai ana tupe mamā i totonu o lenei tausaga.
- Ua si'itia i le 38% le aofaiga atoa o meatotino mamā faatusatusa i le tausaga talu ai.
- E 7% ua si'itia ai tupe maua faatusatusa i le tausaga talu ai.
- O tupe faaopoopo i luga o tupe faavae e 59% faatusatusa i le 56% i le tausaga talu ai.
- O faaopoopoga i luga o aseta ma meatotino e 41% faatusatusa i le 53% i le tausaga talu ai.
- Ua toe faaopoopo le isi 12 masina i le konekarate a le Faufautua Faapitoa Tau Faafaigaluega o Tupe o lo'o faatupe e le Malo o Ausetalia e ala i lana Matagaluega o Vā i Fafo. O lenei Faufautua Faapitoa sa faatupeina e le Malo o Ausetalia talu mai le lua tausaga talu ai.

Faamatalga Tau Tupe

O lo'o solosolo lelei pea le tulaga tau tupe a le Kamupani fa'atusatusa i le fa tausaga talu ai. E \$1,003,726 se tupe faasili o lenei tausaga faatusatusa i le \$937,301 i le tausaga talu ai. E pei ona faailoa mai i le Faamatalaga o Tupe Maua ma Tupe Fa'aalu, e 7% ua maualuga ai tupe maua faatusatusa i le tausaga talu ai ona o le telē o se si'itaga i tupe maua mai totogifuapau mo le Pule o lo'o totogi a le Mavaega Tausi i le Kamupani. E 7% ua maualuga ai tupe fa'aalu fa'atusatusa i le tausaga talu ai ona ua si'itia tupe fa'aalu mo faigamalaga mo aoaoga faapea ma le asiasiga i le Malo Samoa Center i Aukilani, Niu Sila.

O lo'o tumau pea le lelei ma le mautū o tulaga tau meatotino a le Kamupani. O le aofaiga o meatotino mamā ia 30 Iuni 2015 ua si'itia mai le \$1,674,118 sa iai i le tausaga talu ai i le \$1,707,330 ma e le o iai ni faaunegatupe.

Va'aiga mamao i tulaga lamatia ma lu'itau

E pei lava o le tele o pisinisi e teuina faafaigaluega tupe, e iai lava tulaga e ono lamatia ai tupe faapea ma faafitauli e feagai ma le faafoeina a le Kamupani o Pulega. O nei tulaga lamatia e aofia ai tulaga o maketi tau fefa'atauaiga o tupe, tau pisinisi ma faiga-malo.

I totonu o le lima tausaga talu ona fa'avae mai le Kamupani, o le lu'itau tele o lo'o feagai ma le Kamupani o le ausia o se fa'aopopoga maualuga i luga o teugatupe mo le aufaiiunite. I totonu o le Faamatalaga o Sini Autasi a le Kamupani o Pulega 2013 – 2015, o lo'o tulimata'i e le Kamupani se si'itaga e 12% i le tausaga po o le sili atu i le tau aogā o le iunite ma se tufatufaga o tupe mamā e 6% po o le sili atu. I totonu o le tausaga faale-tupe 2014/2015, sa mafai e le Kamupani ona ausia le 6.8% mo tufatufaga mai tupe mamā peita'i na o le 2.1% sa faatupula'ia ai le tau aogā o le iunite. E ui lava o lo o tuputupu pea tupe faavae o lo o faafaigaluega i sea, e le o faailoa mai i le tau aogā o le iunite lea

tulaga. E ui lava o lo o silasila pea le pulega i se auala faigofie, o faaopoopoga i faaputugatupe a le aufaiiunite mo le tausaga 2014/2015 ua maualuga pe a faatusatusa i faletupe ma isi faalapopotoga tau teugatupe o lo o iai i totonu o le maketi.

A o se'e atu i le tausaga lona lima talu ona fa'avae mai, o le fa'alauteleina atu o teugatupe fa'afaigaluega i sea o le a si'itia ai fo'i ma le tulaga lamatia i galuega, peita'i o le a si'itia ai fo'i ma le tulaga tau tupe maua mai nei teugatupe. Ona o lea itu, e tãua tele ona fa'atino lelei ma le fa'autauta galuega fai a le pulega. O le a toe si'itia ai fo'i ma le tulaga tau tomai ma poto masani a le aufaigaluega ina ia mataitu ma pulea lelei nei tulaga lamatia ma lu'itau e ono tutupu mai.

O le sailia i se auala faigofie ma le taugofie mo tagatã nu'u o Samoa o lo o nonofo ma pãpã'ao i atunu'u i fafo ona teufaafaigaluega a latou tupe i iunite o lo'o fai pea ma lu'itau. O le fa'aofi mai ma le faamamaluina o tulafono faatonutonu mo le lafoina mai o tupe faamomoli ua taofiofi ai teugatupe a tagatã nu'u o Samoa o lo o nonofo ma pãpã'ao i atunu'u i fafo. E ui i lea, o lo o galulue pea le aufaigaluega ina ia tu'itu'i ma feso'ota'i atu pea i tagatã nu'u o Samoa o lo o nonofo ma pãpã'ao i atunu'u i fafo o lo o fia fai ni a latou teugatupe i le UTOS. I le tele o taimi, ua faatino le tu'uina mai o teugatupe mai atunu'u i fafo e ala i faletupe e ui lava ina taugatã.

Se va'aiga i le lumana'i

Ua talitonu o le a solo lelei pea le lumana'i mo le Kamupani. I le suia ai o le finagalo a le Malo e fa'amuta ana fesoasoani tau tupe i le kamupani, o le a fa'aaauu pea taumafaiga a le pulega mo le faateleina o ana alaga tupe maua ina ia mafai ona fa'aaauu pea le faatinoga o galuega i totonu o le isi 3 tausaga i le lumana'i.

Ua fa'atino fo'i tulaga mo le fa'alauiloaina o le Mavaega Tausi i le aufaipisinisi ma tagata ta'ito'atasi i totonu lava o Samoa nei. O lo'o fa'aaauu pea ona silasila le pulega i ni auala e fa'afaigofie ma taugofie mo le teuina mai o tupe a tagatã Samoa i nu'u mamao.

A o le'i fa'ai'uina se faamatalaga, e fia faamauina ma momoli atu le faafetai tele mai le aufaigaluega a le Kamupani i le Afioga i le Minisita o Tupe mo lana lagolagosua i galuega fai a le ofisa, ae tainane foi le mamalu o le Komiti o Faatonu, Tausi Mavaega ma le Matagaluega o Tupe mo galuega lelei ua faatino i totonu o lenei tausaga.

Ma le fa'aaloalo tele,



Sau Fapaipai Justina Sau
CHIEF EXECUTIVE OFFICER

TELEPHONE: 27751
FAX: 24167
EMAIL: info@audit.gov.ws
Website: www.audit.gov.ws

P.O. Box 13
APIA, SAMOA



AUDIT OFFICE

LIPOTI A LE OFISA SUETUSI

MO LE FONO A FAATONU – KAMUPANI FAAPUTUGATUPE TEU FA'AFALGALUEGA O MAVAEGA TAUSI O SAMOA (PULEGA)

Ua mae'a ona matou su'eina le Fa'amatalaga Tau Tupe o lo'o fa'apipi'i atu a le Kamupani Faaputugatupe Teu Fa'afalgaluega o Mavaega Tausi o Samoa (Pulega), e aofia ai le Fa'amatalaga o le Tulaga Tau Tupe e pei ona iai ile aso 30 Iuni 2015, le Faamatalaga o Fa'atinoga Tau Tupe, Tupe Fetafea'i ma Suiga i Tupe Fa'avae, mo le tausaga e pei ona faai'uina ai, faatasi ai ma Fa'amatalaga Fa'aopoopo e aofia ai le Oototoga o Tu'utu'uga Iloga Fa'atausi Tusi. O le Ofisa Tausi Tusi o AH CHONG Public Accountants, Tausi Tusi Aloaia Faalauaitete sa fesoasoani mo lenei suega.

O le Matafaioi mo Fa'amatalaga Tau Tupe

O le Fono a Faatonu, e fitoi tonu ma le saunia ma le tu'uina talafeagai mai o Fa'amatalaga Tau Tupe e tusa ai ma Aiaiga Faava-o-Malo i le Faalauiloaina o Lipoti Faale-tupe. O lea matafaioi e aofia ai le fausia ma tausisia o puipuiga fa'alotoifale e talafetaui i le saunia ma le tu'uina talafeagai mai o lipoti tau tupe e faapea e sa'oloto mai ni faamatalaga sese matuia e ono tupuga mai i le amio piopio po'o le sasi; le filifilia ma le faaogaina o tuutuuga faatausi tusi talafetaui; ma le faia o tala faatatau faatausi tusi e faapea e talafeagai i totonu o ia fesauaiga.

Matafaioi a le Suetusi

O la matou matafaioi o le faaalua lea o se manatu i luga o nei Fa'amatalaga Tau Tupe e faavae i luga o la matou su'ega. Sa faagasolo le matou su'ega e tusa ai ma Aiaiga Faa-Su'etusi Fa'ava-o-Malo. O nei Aiaiga Faa-Su'etusi e manaomia lo matou tautu i manaoga amiotonu talafetaui e faatatau i le auunaga Faa-Su'etusi ma fuafua ma faatino le suega ina ia maua ai se mautinoa talafeagai e faapea ai o fa'amatalaga tau tupe e aunoa ma ni faamatalaga sese matuia o iai.

O se suega e aofia ai auala faatino e maua ai mau Faa-Suetusi e tusa ai ma aofaiga ma folasaga i totonu o fa'amatalaga tau tupe. O auala e filifilia e fua i le faamasinoga a le Suetusi, e aofia ai le auililiina o fa'afitauli mai faamatalaga sese matuia i fa'amatalaga tau tupe, pe afua mai i amio piopio po'o le sasi. I le faiga o na auililiga o fa'afitauli, e aiaia e le Suetusi puipuiga faalotoifale e talafetaui ma le saunia ma le tuuina talafeagai mai ai o fa'amatalaga tau tupe a le pisinisi ina ia faufau ai auala Faa-Suetusi e faapea e fetau ma ia fesauaiga, peitai e le mo le faamoemoe e faaalua ai se manatu i le agavaa o puipuiga faalotoifale a le pisinisi. O se suega foi e aofia ai le lauliliuina o le fetau o tuutuuga faatausi tusi o lo o faaogaina ma le talafeagai o tala faatatau faatausi tusi sa faia e le Fono Faatonu, atoa ai ma le lauliliuina o le faataatiaga aotetele o fa'amatalaga tau tupe.

Ua matou talitonu e faapea o mau Faa-Suetusi na matou maua ua lava ma fetau e tuuina mai ai se faavae mo lo matou manatu Faa-Suetusi.

Manatu

I lo matou manatu, o Fa'amatalaga Tau Tupe ua aumai ai se vaaiga e tonu ma talafeagai i le Tulaga Tau Tupe a le Kamupani Faaputugatupe Teu Fa'afalgaluega o Mavaega Tausi o Samoa (Pulega), e pei ona iai i le aso 30 Iuni 2015, ma ana Fa'atinoga Tau Tupe ma ana Tupe Fetafea'i mo le tausaga e pei ona faai'uina ai e tusa ai ma Aiaiga Faavaomalo ile Fa'alauiloaina o Lipoti Faale-tupe.

Sa matou mauaina uma fa'amatalaga ma fa'amalamalamaga manaomia mo le matou su'ega. I lo matou manatu, sa tausia lelei tusi ma fa'amaumauga o tupe a le Kamupani e tusa ai ma la matou saililiga o ia tusi ma fa'amaumauga. O fa'amatalaga tau tupe sa saunia ma tusia lelei ina ia tu'uina mai ai fa'amatalaga e tusa ai ma Aiaiga ma fa'amatalaga mo'omia e le Tulafono o Kamupani a Samoa 2001 (Teuteuga 2006) ma le Tulafono o Fa'alapotopotoga a le Malo (Fa'atinoga o Galuega ma le Mafai ona Tali Atu) 2001.

Sa fa'amaea la matou galuega i le Aso 15 Oketopa 2015 ma o lo matou manatu fa'asuetusi o lo'o fa'avae mai i lea aso.

Apia, Samoa
20 Oketopa 2015

Cabele
Fuimaono Papali'i C.G. Afele
PULE MA SUETUSI SILI

KAMUPANI O PULEGA ALE FAAPUTUGATUPE TEUFA'AFALUEGA O MAVAEGA
TAUSA O SAMOA

Lipoti Faamaonia a le Komiti o Faatonu
Fa'ai'uina ia 30 Iuni 2014

Ua ma faamaonia o le Tala o Tupe mo le Kamupani o Pulega a le Faaputugatupe Teufa'a-faigaluega o Mavaega Tausi a Samoa e aofia ai le Faamatalaga o Meatotino ma Aitalafu, Faamatalaga o Tupe Maua ma Tupe Fa'aalu, Faamatalaga o Suiga i Tupe Faavae, Faamatalaga o Auala sa Maua Mai Ai Tupe ma Lo Latou Fa'aaogaina faapea ma Faamatalaga faaopoopo o Tala o Tupe mo le tausaga ua faai'uina ia 30 Iuni 2014:

- (a) ua aumai ai se vaaiga e tonu ma talafeagai i vaega e fitoitonu iai;
- (e) ua tu'ufaatasia e ala i taiala ma faamatalaga manaomia e Ta'iala ma Aiaiga Faavaomalo i le Faalauiloaina o Tala-Faaletupe; ma,
- (i) ua faamalieina aiaiga o le Tulafono mo le Pulega o Tupe a le Malo 2001 ma le Tulafono mo Kamupani 2001 (teuteuina ile 2006) ina ia tusa ai ma vaega uma o lo'o aiaia i totonu o le Tulafono mo Faalapotopotoga a le Malo (Faatinoga o Galuega ma le Mafai ona Tali Atu) 2001.

I le taimi nei, i le maua lava iloa i tulaga o iai, e le o iai ni vaega po'o ni mataupu ogaoga e ono faaseseina ai le sa'o ma le lelei atoatoa o leni tala o tupe.

Ua ma tu'uina atu le faatagana e tuuina atu ai le tala o tupe o lo'o faapipiina atu, i le aso 15 o Oketopa 2015.



Saini

SUI FAATONU
Kamupani o Pulega
Apia, Samoa
15 / 10 / 2015



Saini


SUI FAATONU
Kamupani o Pulega
Apia, Samoa
15 / 10 / 2015

KAMUPANI O PULEGA A LE FAAPUTUGATUPE TEUFAAFAIGALUEGA O MAVAEGA
TAUSI O SAMOA
Faamatalaga o Tupe Fa'avae, Aseta ma Aitalafu
Fa'ai'uina ia 30 Iuni 2015

	Faamatalaga	2015 \$	2014 \$
ASETA			
Aseta e le na o taimi nei			
Tupe Teufaafaluga i le UTOS		116	116
Fanua, Masini ma Meafaigaluga	7	136,127	168,161
Teugatupe Faavaitaimi - SCB	9	104,500	100,000
Aotelega o aseta e le na o taimi nei		240,743	268,277
Aseta i le taimi nei			
Tinoitupe i faletupe ma isi vaega	8	1,384,014	1,146,201
Aitalafu e le'i totogiina mai	10	793,023	333,712
Isi vaegatupe e tatau ona maua mai		28,688	22,042
Aotelega o Aseta i le taimi nei		2,205,725	1,501,955
Aotelega o aseta		2,446,468	1,770,232
TUPE FAAVAE MA AITALAFU			
Aitalafu i le taimi nei			
Aitalafu totogi atu	11	165,975	24,005
Isi aitalafu ma vaegatupe e totogi atu	11	43,599	40,194
Tupe fa'aagaga mo tufatufaga i le Malo		501,863	-
Tupe fa'aagaga mo livi o le afaigaluga		27,701	31,915
Aofaiga o Aitalafu i le taimi nei		739,138	96,114
Tupe Faavae			
Tupe faavae mai le Malo o Samoa	12	1,800,000	1,800,000
Tupe faasili (gau) ua faaputuputu		(92,670)	(125,882)
Aofaiga o Tupe Faavae		1,707,330	1,674,118
Aotelega o Tupe Faavae ma Aitalafu		2,446,468	1,770,232

O faamatalaga faapoopo ua tu'uina atu ua i le itulau 14 i le 19 ua avea o se vaega taua o faamatalaga o tupe maua ma tupe totogi.

O sui o le Komiti o Faatonu


.....
Sui Faatonu

Aso: 15 / 10 / 15


.....
Sui Faatonu

Aso: 15 / 10 / 15

KAMUPANI O PULEGA A LE FAAPUTUGATUPE TEUFA'AFALUEGA O MAVAEGA
TAUSI O SAMOA

Faamatalaga o Tupe Maua ma Tupe Fa'aalu
Fa'ai'uina ia 30 Iuni 2015

	Faamatalaga	2015 \$	2014 \$
Tupe Maua			
Tului		57,496	39,377
Totogifuapau e fa'aalu ma tala ai iunite		143,175	34,512
Totogifuapau mo le Pule		1,443,460	1,054,390
Faasalaga tuai ona totogiina nonogatupe		38,181	440,445
Isi Tupe Maua		700	706
Aofaiga o Tupe Maua		<u>1,683,012</u>	<u>1,569,430</u>
Tupe Fa'aalu			
Fa'asalaluga & Fa'alauiloa Fa'apisinisi		16,672	35,620
Su'eina o Tusi		18,481	16,180
Totogifuapau o Faletupe ma isi		1,588	1,437
Tupe Fa'aoga mo le Komiti o Faatonu	6(ii)	31,153	24,270
Tupe fa'aalu i feso'otaiga		18,877	10,710
Faaititia le aoga o meatotino	7	52,148	37,863
Totogifuapau mo auaunaga faapitoa		200	2,025
Totogi o le aufaigaluega	5	440,970	452,886
Resitala ma Laisene		1,837	1,400
Lisi		1,837	1,284
Tausiga ma le faaleleia o meatotino		2,119	-
Isi tupe fa'aalu i galuega a le Ofisa	4	72,055	48,454
Femalagaiga		23,187	-
Aofaiga o Tupe Fa'aalu		<u>679,287</u>	<u>632,129</u>
Tupe Faasili (Gau) e le'i toese le Lafoga		1,003,726	937,301
Lafoga (totogi atu)/ totogi mai		-	-
Lafoga fa'aagaga mai tausaga ua mavae atu		-	-
Tupe faasili/(Paū)		<u>1,003,726</u>	<u>937,301</u>

O faamatalaga faaopoopo ua tu'uina atu ua i le itulau 14 i le 19 ua avea o se vaega taua o faamatalaga o le tala o tupe e pei ona tuuina atu i luga

KAMUPANI O PULEGA ALE FAAPUTUGATUPE TEUFA' AFAIGALUEGA O MAVAEGA
 TAUSI O SAMOA
 Faamatalaga o Suiga i Tupe Faavae
 Fa'ai'uina ia 30 Iuni 2015

Faamatalaga	Tupe Faavae Mai le Malo o Samoa	Tupe Faasili / (Paū)	Aofaiga
Paleni ia 30 Iuni 2013	1,800,000	(125,882)	1,674,118
Tupe Faasili/Gau		1,003,726	1,003,726
Tufatufaga i le Malo mo le 2014		(468,651)	(468,651)
Tupe fa'aagaga mo tufatufaga 2015		(501,863)	(501,863)
Paleni e oo mai le aso 30 Iuni 2015	1,800,000	(92,670)	1,707,330

O faamatalaga faaopoopo ua tu'uina atu ua i le itulau 14 i le 19 ua avea o se vaega taua o faamatalaga o le tala o tupe e pei ona tuuina atu i luga.

KAMUPANI O PULEGA ALE FAAPUTUGATUPE TEUFA'AFALUEGA O MAVAEGA
TAUSI O SAMOA

Faamatalaga o Auala sa maua mai ai Tupe ma lo latou Fa'aaogaina
Fa'ai'uina ia 30 Iuni 2015

Faamatalaga	2015 \$	2014 \$
Tupe maua /(totogi) i galuega fai		
Tupe maua mai Aufaiiunite ma Mavaega Tausi	12,559,291	14,078,066
Tupe maua mai tului i tusi tupe faagasolo	11,723	4,781
Tupe maua mai totogifuapau	1,603,320	1,430,189
Tupe totogi atu mo le Mavaega Tausi	(12,841,668)	(14,490,994)
Tupe totogi mo oloa ma le aufaigaluega	(640,913)	(564,586)
	<u>691,753</u>	<u>457,457</u>
Aofaiga o Tupe Maua/(Totogi) i galuega fai		
Tupe Maua/(Totogi) i galuega fa'aolaola		
Tupe maua mai Tului mo tupe teu fa'avaitaimi	39,325	30,793
Tupe maua mai tupe teu fa'afaigaluega	-	-
Faatauina mai o meatotino tumau	(20,114)	(108,983)
	<u>19,211</u>	<u>(78,190)</u>
Aofaiga o Tupe Maua/(Totogi) i galuega fa'aolaola		
Tupe Maua/(Totogi) i galuega fa'atupe		
Tupe Maua mai le Malo o Samoa	-	-
Tupe Totogi tufatufaga Malo o Samoa	(468,651)	-
	<u>(468,651)</u>	<u>-</u>
Aofaiga o Tupe Maua/(Totogi) i galuega fa'atupe		
Faaitiitiga i paleni o tinoitupe	242,313	379,267
Tinoitupe i faletupe ma isi vaega i le amataga	1,246,201	866,934
	<u>1,488,514</u>	<u>1,246,201</u>
Paleni fa'ai'u o tinoitupe		
Fa'ailoa mai:		
Paleni o Tupe i le Faletupe	8	1,384,014
Teugatupe faavaitaimi i le SCB	9	104,500
		<u>1,488,514</u>
		<u>1,246,201</u>

O faamatalaga faaopoopo ua tu'uina atu ua i le itulau 14 i le 19 ua avea o se vaega taua o faamatalaga o le tala o tupe e pei ona tuuina atu i luga.

**KAMUPANI O PULEGA ALE FAAPUTUGATUPE TEUFA'AFALUEGA O MAVAEGA
TAUSI O SAMOA**
Faamatalaga Faaopoopo
Fa'ai'uina ia 30 Iune 2013

1. Faamatalaga Lautele

O le Kamupani o Pulega a le Faaputugatupe o Mavaega Tausi a Samoa (UTOS) na faavae aloai'a i le masina o Mati 2010. O le Kamupani o Pulega a le Faaputugatupe o Mavaega Tausi a Samoa ("le Pule") na te pulea le Faaputugatupe o Mavaega a Samoa ("le Mavaega Tausi") ma ua faatuina i Samoa. O le Kamupani o Pulega e i ai lona feso'otaiga faaletulafono ma le Kamupani o le Tausi Mavaega a Samoa (Samoa Trustee Co. Ltd) ma le mamalu o le Aufaiiunite. O lenei faia'ua fausia aloai'a i lalo o le Maliega Mavaega Tausi i lalo o le Tulafono o Tupe Teufaafaluega o Faaputugatupe 2008.

O le Mavaega Tausi o se fuafuaga ua aiaia faaletulafono e teufaafaluega ai tupe e mafai ai ona tuufaatasia teugatupe faafaluega a le Aufaiiunite ma faapea ona tuuina atu i iunite ma avea ai latou ma sui faaiunite a le Mavaega Tausi. O lenei faaputugatupe i totonu o le Mavaega Tausi o le a teufaafaluegaina e le Kamupani o Pulega a le Faaputugatupe a Mavaega Tausi a Samoa, le Pule o Tupe, e tusa ma faiga faavae a teugatupe teufaafaluega e pei ona taua i totonu o tusi taiala o mavaega ma teufaafaluega.

Na faavaeina le Mavaega Tausi mai le Tulafono o Tupe Teufaafaluega o Faaputugatupe 2008, ma o lo o fa'afaoeina e le Komiti o Faatonu e toatolu ona sui, ma taitaia e le Afioga Afoa Asiata Kolone Vaai. O isi sui o le Komiti o Faatonu e aofia ai le Ofisa Sili o le Matagluega o Tupe faapea le sui o Pisinisi Tumaoti.

O lona Ofisa autu o lo o i le fogafale lona fitu (7) o le Faletupe Tutotonu a Samoa, i Matafele ma o lana tuatusi o le Pusa Meli Tumaoti, Apia, Samoa.

2. Oototoga o faiga faavae faatausitusi faapitoa

O lo'o tu'uina atu i lalo le aotelega o faiga fa'avae ma taiala faatausitusi na fa'aogaina e le kamupani mo le tapenaina ma le tu'ufa'atasia o ana faamatalaga o tala o tupe.

a. Faamatalaga e tusa ma taiala

O nei faamatalaga o tala o tupe ua saunia e tusa ai ma taiala ma manaoga o le Tulafono o Pulega o Tupe a le Malo 2001 (PFMA 2001) e manaomia ai le faaogaina o taiala o tulafono Faatausitusi Faa-va-o-Malo (IFRS) na tuuina mai e le Komiti o Faatonu o Tulafono Faatausitusi Faa-va-o-Malo (IASB).

E tusa ai ma le Vaega 91 o le Tulafono o Pulega o Tupe a le Malo 2001, o le Kamupani o Pulega a le Faaputugatupe o Mavaega Tausi a Samoa o se Faalapotopotoga Tau FeFa'atauaiga, o lona uiga e tatau foi ona fa'amalieina uma manaoga mo le faia o lipoti i lalo o le Tulafono mo Faalapotopotoga a le Malo (Faatinoga o Galuega ma le Mafai ona Tali Atu) 2001.

e. Fua faatatau o tapenaga

O nei faamatalaga o tala o tupe ua saunia i luga o tau muamua o oloa sei vagana ai nisi vaega e ese mai ai ae o le a fa'iloa pea. O faiga faavae faatausitusi faapitoa ua faailoa ina ia fesoasoani i se faamalamalaga lautele i nei faamatalaga o tala o tupe. I lalo o taiala a IFRS, e tatau ona faamautinoa lelei le faiga o fuafaatatau o vaega uma e a'afia ai aseta, aitalafu, tupe maua ma tupe fa'aalu. E ono iai se tulaga e eseese ai fuainumera o lo o lipotiina i totonu o nei tala o tupe ma fua faatatau o nei fuainumera. E tatau pea ona iloilo taiala mo le faia o fuafaatatau i taimi uma.

i. Faatusatusaga ma tausaga ua tuana'i

O lo'o aofia i totonu o tala o tupe paleni o tausaga ua mavae ina ia mafai ona fai ni faatusatusaga tatau o paleni o le tausaga nei.

o. Tupe po o le tala faaogaina

O mea taitasi o lo o i totonu o nei faamatalaga o tala o tupe a le kamupani ua fua faatatauina e fa'aogaina ai le tupe po'o le Tala Samoa

u. Fefaatauaiga e fa'aoga ai tupe a isi atunuu

O fefaatauaiga ua faia i tupe a isi atunuu ua faaliliuina i le tala Samoa e tusa ai ma fua faatatau o tupe faaliliu o aso na faatino ai nei faafetauaiga. O aseta ma noataga faaletupe o lo o faapea ona faamauina i tupe a isi atunuu i le faaiuga o le tausaga faaletupe, ua faaliliuina i tala Samoa i le fa'aogaina ai o fua faatatau o tupe faaliliu i aso na faia ai na fefaatauaiga.

f. Tinoitupe ma tinoitupe-taitutusa

**KAMUPANI O PULEGA ALE FAAPUTUGATUPE TEUFA'AFALUEGA O MAVAEGA
TAUSI O SAMOA
Faamatalaga Faaopopo
Fa'ai'uina ia 30 Iune 2015**

O tinoitupe ma tinoitupe-taitutusa o lo'o taua i totonu o le faamatalaga o tala o tupe, e aofia ai tupe o lo'o i Faletupe ma tupe e lei teuina, faapea ma tupe teu faavaitaimi mo se taimi pu'upu'u e le sili atu i le tausaga.

g. Aitalafu totogi mai i luga o fefaatauaiga ma isi

O aitalafu totogi mai i luga o fefaatauaiga ma isi ua muai faamauina i o latou tau fefaatauai ae toe fua faatatauina mulimuli ane i le toese mai ai o se fa'aagaga mo se faaleagaina mai o a latou tau. O se faaagaga mo aitalafu e faaletonu le totogiina mai, e faamautuina ina ua iai se faamaoniaga maumautu e le toe mafai e le Faaputuga tupe ona toe aoina mai ia aitalafu tusa ma aiaiga i le taimi muamua. A le mafai ona totogiina mai se aitalafu, e tusieseina agai i fa'aagaga mo aitalafu totogi mai. O aitalafu e mafai ona toe totogiina mai ae uma ona tusieseina, e toe faaopopo i tupe maua i totonu o faamatalaga o tupe maua ma tupe fa'aagaga.

l. Aitalafu totogi atu

O aitalafu totogi atu, ua faamaonia ina ua talia e le Faaputuga tupe le totogiina atu oni tupe i le lumanai ona o le faatauina mai o o loa ma auunaga. O aitalafu totogi atu ua faamaonia i le tau fefaatauai o le tupe e totogi atu i le lumanai mo oloa ma auunaga ua uma mai. E tusa ai ma le natura o le tele o aitalafu totogi atu, o tau ina ua maea ona faaitiitia e talafeagai lava ma tau fefaatauai.

m. Fa'aagaga mo aitalafu totogi atu

O faaagaaga mo aitalafu totogi atu ua faamauina i faamatalaga o tupe faavae, aseta ma noataga ina ua iai se noataga e mafua mai i se mea na tupu ma e matua foliga mai e manaomia tele le totogiina atu o nei aitalafu; ma ia mafai ona fua faatatauina le aofaiga

n. Tupe Maua

Tupe Maua mai Tului

O tupe maua mai tului e faamauina i le faamatalaga o tupe maua ma tupe faaaga i le faaogaina o se auala talafeagai lelei mo tupe tului.

Tupe faaalu

O faamaumauga uma i tupe faaalu ua faaalua i le Faamatalaga o Tupe Maua ma Tupe Faaalu i le taimi e tatau ai ona totogi atu nei aitalafu.

p. Fanua, masini ma meafaigaluega

O fanua, fale, masini ma meafaigaluega o lo'o faamauina i le tau ua toesea ai le aofaiga o tau faaitiitia o meatotino talu mai le aso na faatauina ai.

O latou tau e aofia ai tupe faaalu uma e patino tonu i le faatauina ma le aumaia o nei mea totino i le nofoaga fuafuaina e tatau ona faafaigaluegaina ai. O polokame faa-komepiuta na faatauina ina ia faaaga faatasi ma nei meatotino ua avea o se vaega po o ua faa-meatotinoina.

Faaititiga o Meatotino:

O faaititiga o tau o meatotino tumau e fuafua mai i o latou tau na faatauina mai ai ma le umi fuafuaina e faaogaina ai, ua faamauina i tala o tupe maua ma tupe faaaga. O pasene e faaitiitia ai meatotino, o lo'o taua i lalo:

- Meafale a le ofisa	20%
- Meafaigaluega a le ofisa	20%
- Taavale	20%
- Meafaigaluega ma masini tau fesootaiga	33%

O tau o meatotino e totoe pe a maea ona faaitiitia ma le umi e faaaga ai e toe lloilo, ma e suia pe a talafeagai, i le aso faaiu o le tausaga faaletupe

O tau o meatotino ina ua maea ona faaitiitia e toe faaitiitia vave i a latou tau talafeagai fefaatauai pe afai e tele atu le tau ina ua maea ona faaitiitia, nai lo le tau taumate talafeagai fefaatauai.

O tupe faasili ma tupe gau mai le aveeseina o aseta e maua mai le faatusatusaga o tupe e maua mai ai, ma o latou tau ua maea ona faaitiitia, ma faamauina i totonu o isi (tupe gau) / tupe faasili, i le faamatalaga o tupe maua ma tupe faaaga.

**KAMUPANI O PULEGA ALE FAAPUTUGATUPE TEUFA' AFAIGALUEGA O MAVAEGA
TAUSI O SAMOA
Faamatalaga Faaopopo
Fa'ai'uina ia 30 Iune 2015**

s. Lafoga faaopopo i tau o oloa ma auaunaga.

Ona o le Kamupani o se faalapotopotoga tau fa'afaletupe, o lafoga faaopopo i tau o oloa ma auaunaga na totogi atu e faamauina o vaega o aseta po o tupe fa'aaoga ona e fa'asaoina le Kamupani mai le totogiina atu o lea lafoga (VAGST).

t. Lafoga o Tupe Maua

Ua tuusaunoina le Faaputugatupe mai le totogi o lafoga o tupe maua i Samoa

v. Faamanuiaga o Tagata Faigaluega

O loo fai saofaga le Faaputuga Tupe i le Faalapotopotoga Faaputugatupe mo le Lumanai Manuia o Tagata Samoa e tusa ai ma le polokalame fai saofaga ma tulafono a le malo, ma e pau ma i le aofaiga o saofaga e tatau ona totogi atu. O ni noataga mo saofaga e tusa ai o lea polokalame e faamauina i faamatalaga o tupe maua ma tupe faaalu i so o se taimi e tulai mai ai.

O noataga mo aso livi e faaopoopoina ma faamauina i faamatalaga o aseta, noataga ma tupe faavae. O aso livi e faamauina i aofaiga e alagataua ona totogi atu e tusa ma aofaiga ua maua

O noataga mo faamanuiaga i taimi puupuu ua fua faatatauina e aunoa ma se faaititia, ma e faamauina o se tupe faaalu pe a uma ona faatinoina le auaunaga.

h. Tau o Nonogatupe

O tau o nonogatupe e faamauina i tupe maua ma tupe faaalu i le vaitaimi e faia ai ia fefaatauaiga.

3. Matematega ma manatu taua faatausitusi

O le tapenaga o faamatalaga o tala o tupe ina ia o gatasi ma Tulafono Tausitusi Faa-va-o-malo (IFRS) e moomia ai le pulega ina ia faia o latou manatu ma faatatau e aafia ai le faaogaina o tulafono faapea aofaiga ua ripotia o aseta ma noataga, tupe maua ma tupe faaalu. O fuafaataua ma o latou faamatalaga feso'otai na faia e fua mai luga o poto masani i vaitaimi ua tuanai ma isi vaega talafeagai. O nei faatatau ua fausia mai ai manatu e uiga i tau ma aoga o aseta ma noataga, i le le maua ma i isi ala. O iuga sa'o e ono eseese mai ai faatatau.

4. Isi Tupe Fa'aalu i galuega a le Ofisa

Auiliiliga o isi Tupe Fa'alu i galuega a le Ofisa ua tuuina atu i lalo:	2015	2014
	\$	\$
Taumafataga mama	3,451	2,124
Tupe fa'aalu mo ta'avale	8,888	2,642
Sapalai masani mo le auaunaga a le Ofisa	3,864	2,342
Resitala ma saofaga I Faalapotopotoga e sui ai	2,705	4,875
Tupe fa'aalu i meli	353	2,144
Lomiga ma tusitusiga	27,863	16,499
Pusa meli i le Samoa Post	803	1,005
Pepa mo le Ofisa	13,276	12,696
Inisiua mo taavale	5,790	1,832
Aoaoga mo le Aufaigaluega	4,500	400
Isi	564	1,895
Aofaiga o Tupe Fa'aalu i isi Galuega a le Ofisa	<u>72,055</u>	<u>48,454</u>

5. Tupe fa'aalu i le Aufaigaluega:

Tupe fa'aalu i le aufaigaluega o lo'o faamanino atu i lalo:	2015	2014
	\$	\$
Totogi o le Aufaigaluega	411,211	396,005
Saofaga mo le NPF	20,414	20,087
Saofaga mo le ACC	4,083	3,997
O isi alauni	1,047	14,775
Penefiti mo le Aufaigaluega	4,215	18,022
Aofaiga o tupe fa'aalu i le aufaigaluega:	<u>440,970</u>	<u>452,886</u>

6. Tupe Fa'alu mo le Komiti o Faatonu ma le Pulega:

**KAMUPANI O PULEGA ALE FAAPUTUGATUPE TEUFA' AFAIGALUEGA O MAVAEGA
TAUSI O SAMOA
Faamatalaga Faaopoopo
Fa'ai'uina ia 30 Iune 2015**

i. *Sui Faatonu:*

O Sui Faatonu o le Kamupani i totonu o lenei tausaga faale-tupe o:

Afoa Asiata Kolone Vaai	-	Taitaifono
Lavea Tupaimatuna Iulai Lavea	-	Ofisa Sili, Matagaluega o Tupe
Tuliaupupu Pala Lima	-	Sui mai le vaega Tumaoti

O totogi, penifiti ma isi tupe fa'aalu i le Komiti o Faatonu e \$32,153 na totogiina i totonu o le tausaga e aofia ai alauni o fonotaga. O Sui Faatonu e filifilia mai Faalapopotoga ma Matagaluega a le Malo latou te le mauaina se totogi tau faatonu po'o ni alauni mo le auai atu i fonotaga.

ii. *Tupe faa'alu mo le Komiti*

Tupe fa'aalu i le Komiti o Faatonu ua faamanino atu i lalo:	2015	2014
	\$	\$
Totogi ma alauni mo sui Faatonu	28,445	21,398
Tupe fa'aalu mo resitala	2,000	2,000
Tupe faaalu mo fonotaga	708	872
Aofaiga o tupe fa'aalu mo le Komiti o Faatonu	31,153	24,270

7. **Meatotino ma Meafaigaluega:**

Auiliiliga o Meatotino ma Meafaigaluega o lo'o faamanino atu i lalo:

	Mea'afale ma totoga	Meafaigaluega	Komupiuta ma polokalame	Taavale	Aofaiga
<i>Tau atoa tauave mai</i>					
Paleni amata ia 01 Iulai 2014	57,878	37,946	39,030	143,222	278,076
Faaopoopoga	16,521	636	2,957	-	20,114
Meatotino ua aveeseina	-	-	-		
Paleni faaii ia 30 Iuni 2015	<u>74,399</u>	<u>38,582</u>	<u>41,987</u>	<u>143,222</u>	<u>298,190</u>
<i>Fa'aititiga o meatotino Faaputuputu</i>					
Paleni amata ia 01 Iulai 2014	39,388	24,065	25,620	20,842	109,915
Meatotino ua aveeseina	-	-	-	-	-
Fa'aititiga o meatotino mo le tausaga	10,508	7,577	5,419	28,644	52,148
Paleni faaii ia 30 Iuni 2015	<u>49,896</u>	<u>31,642</u>	<u>31,039</u>	<u>49,486</u>	<u>162,063</u>
Tau totoe o Meatotino ia 30 Iuni 2014	<u>18,490</u>	<u>13,881</u>	<u>13,410</u>	<u>122,380</u>	<u>168,161</u>
Tau totoe o Meatotino ia 31 Iulai 2015	<u>24,503</u>	<u>6,940</u>	<u>10,948</u>	<u>93,736</u>	<u>136,127</u>

8. **Tinoitupe ma tinoitupe-taitutusa**

Auiliiliga o tinoitupe ma tinoitupe i faletupe ua faamanino atu i lalo:	2015	2014
	\$	\$
Tusitupe i le Westpac	227,822	406,519
Tinoitupe mo mea laiti	150	100
	<u>227,972</u>	<u>406,669</u>
Tusitupe i le ANZ	125,799	33,055
Tusitupe mo tupe Ausitalia i le Westpac	-	754
Tusitupe ile SCB	30,243	5,723
Teugatupe Faavaitaimi i le SCB	800,000	700,000
Teugatupe Faavaitaimi i le Westpac	200,000	-
Aofaiga o tinoitupe ma tinoitupe-taitutusa	1,384,014	1,146,201

O le teugatupe faavaitaimi i le SCB o tupe faasili a le Kamupani o lo'o maua ai le tului e 4% i le tausaga ma e matua i le 25

**KAMUPANI O PULEGA ALE FAAPUTUGATUPE TEUFA'AFALUEGA O MAVAEGA
TAUSI O SAMOA
Faamatalaga Faaopoopo
Fa'ai'uina ia 30 Iune 2015**

Aukuso 2015.

O le teugatupe faavaitaimi i le Westpac o tupe faasili a le Kamupani o lo'o maua ai le tului e 4.5% i le tausaga ma e matua i le 16 Iulai 2015.

9. Teugatupe Faavaitaimi:

O teugatupe fa'avaitaimi o lo o faamanino atu i lalo:	2015	2014
	\$	\$
SCB	<u>104,500</u>	<u>100,000</u>
	<u>104,500</u>	<u>100,000</u>

O lenei teuga tupe faavaitaimi o le "feagaiga" e pei ona aiaia i lalo o le Pepa Faamaonia o Feagaiga mo le Faaputugatupe. E lē mafai ona talaina i tua.

10. Tupe Maua ae lei totogiina mai

Auiliiliga o Isi tupe maua ae lei totogiina mai ua faamanino atu i lalo:	2015	2014
	\$	\$
Toe fa'atauina mai o Lunite totogi mai e le Mavaega Tausi	623,755	186,640
Totogifuapau mo le Puleaga e totogi mai le Mavaega Tausi	117,229	103,434
Faasalaga mo le tuai ona totogi	34,832	38,211
Tupe fa'aalu mo Toefetuunaiga	<u>17,207</u>	<u>5,427</u>
	<u>793,023</u>	<u>333,712</u>

11. Aitalafu e le'i totogiina atu

Auiliiliga o isi aitalafi	2015	2014
	\$	\$
Totogi o le Afaigaluega	11,250	12,374
Fa'aagaga mo le su'eina o tusi (aofia ai le lafoga)	18,480	16,180
Alauni faale-tausaga/fonotaga mo Faatonu	-	6,163
Lafoga ua taofi e tataua ona totogi atu	5,987	1,682
Isi	<u>7,883</u>	<u>3,795</u>
Aofaiga atoa o isi aitalafu e le'i totogiina atu	<u>43,599</u>	<u>40,194</u>
Aitalafu mo Fefa'atauaiga e le'i totogiina atu		
Teugatupe a le Aufai-iunte e le'i totogiina atu i le Mavaega Tausi	165,975	24,005
	<u>165,975</u>	<u>24,005</u>

12. Tupe Fa'avae Fa'amaonia ua totogiina

Auiliili o tupe fa'avae fa'amaonia ua totogiina ua faamanino atu i lalo:	2015	2014
	\$	\$
Tupe Fa'avae faamaonia e 100 sea	1,800,000	1,800,000
Tupe Fa'avae ua mae'a faamatu'u ma totogiina	1,800,000	1,800,000
Fa'aopoopoga i Tupe Fa'avae ua mae'a faamatu'u ma totogiina	-	-
Tupe Fa'avae ua mae'a faamatu'u ma totogiina i le faaiuga o lenei tausaga	<u>1,800,000</u>	<u>1,800,000</u>

13. Noataga e ono alia'e mai

I le fa'aiuina ai o le tausaga faale-tupe ia 30 Iuni 2015, e le o iai ni aitalafu ua manatu le Komiti o Faatonu e ono tula'i mai.

KAMUPANI O PULEGA ALE FAAPUTUGATUPE TEUFA'AFALUEGA O MAVAEGA
TAUSI O SAMOA
Faamatalaga Faaopoopo
Fa'ai'uina ia 30 Iune 2015

14. **Mea na tutupu talu mai le fa'aiuga o le tausaga faale-tupe**

E le o iai ni mea taua ua tutupu talu mai le fa'aiuga o le tausaga faale-tupe e ono suia pe a'afia ai le tala o tupe o lena tausaga faale-tupe ia 30 Iuni 2015